

## Yeshua: Esun Ungi di Israel i Juda; Su Pueblo!!!

"Asina e **SEÑOR di ehérsitonan** ta bisa: 'Den e **dianan ei dies hòmber** for di **tur e Nashonnan** lo kohe bistí di **un Hudiu tene**, bisando: "Laga **nos bai ku bosó**, pasobra **nos a tende ku Dios ta ku bosó**." (**Zakarias 8:23**).

### Yeshua: di Kende e Profetanan di Dios Tata tambe a skirbi!!!.

I den e **dia ei** lo sosodé ku **Señor lo ekstendé Su Man pa di Dos Bes**, pa **rekohé e Restante di Su Pueblo** ku lo keda for di Asiria, Egipto, Patros, Etiopia, Elam, Sinar, Hamat, i for di e islanan di laman Mediteráneo. (**Isaias 11:11**).

### Yeshua Su di Dos Benida!!!

Tin tres religion; **Kristianismo, Islam, Hudiaísmo**, ku awor aki den **2020** ta wardando riba **Yeshua**. Tur tres religion **ta ankra den un komienso** basa riba **Abraham**. (**Romanonan 4:18**).

I e **Angel** a bis'é: "**No tene miedu, Maria**, pasobra abo a haña **Grasia** serka **Dios**. I mira, **lo bo kosebí** den bo matris i **duna lus** na **un yu Hòmber**, i lo bo yam'E **Yeshua**. **E lo ta Grandi** i lo wòrdu yamá **Yu di e Haltísimo**; i **Señor Dios** lo duna **E e Trono di Su tata David**; i **E lo Reina** riba e **kas di Jakòb pa Semper**, i **Su Reino lo no tin fin**." (**Lukas 1:30-33**).

### Yeshua Su di Dos Benida!!!

Di e **kuater promesa nan** na **Maria** tin **dos** ku no a **wordu realisa ahinda!!!**. E prome ta: e **Trono di Su tata David**. **E Trono di David** ta na **Jerusalem**. Asina ta ku e **stat Jerusalem** lo no por **wòrdu dividi**, pasobra **mundu** no por kambia loke **Dios Soberano** a pone den **Su agenda** for di **Kuminsamentu di tempu**. E di dos ta: **E lo Reina** riba e **kas di Jakòb pa Semper**. **E kas di Jakòb** ta konsisti **di e 12 Tribunan**. **E 12 Tribunan** ta ensera e **kas di Israel** i e **kas di Juda**. (**Jeremias 31:31**).

### Yeshua Su di Dos Benida!!!

Asina tambe **Abraham** "a kere **Dios**, i esaki a wòrdu kontá komo **Hustisia** p'é." Pesei, sea sigur ku ta **esnan** ku ta **di Fe ta yunan di Abraham**. I **Skritura**, mirando **di padilanti ku Dios lo Hustifiká e paganonan** pa medio **di Fe, di antemano a Prediká e Evangelio na Abraham**, bisando: "**Tur nashon lo ta Bendishoná den bo**." Asina anto, **esnan** ku **ta di Fe ta Bendishoná** huntu ku e **kreyente Abraham**. (**Galationan 3:6-9**).

E **Evangelio na Abraham** tin e **mesun kontenido** ku loke **Moises** a skirbi di dje den e **Lei** i tambe loke e **Profetanan** a skirbi. Pasobra **Yeshua** no a bini **pa abolí, anulá of kita** e **outoridat** di e **Lei** òf e **Profetanan**, sino **pa Komplimentá, Klarifiká i Aklará** e **Lei** (**Mateo 5:17**).

Ta pa e **motibu** aki **Yeshua** a bisa: "pasobra si bosó a kere **Moises**, bosó lo a kere **Ami tambe**; ta **di Ami Moises** a skirbi den e **Lei**" (**Juan 5:46**).

2 yanüari 2020

Sea Bendishoná ku e **Amor di Dios Tata; Yeshua Mesias**  
Un Fiel Sirbidó di Dios,  
Remsly L Riley.